


#Fëmijët gëzojnë dhe festojnë ditën e tyre, 1 Qershorin



Në Ditën Ndërkombëtare të Fëmijëve festuam me çdo fëmijë në të gjitha institucionet e përkujdesit social në Shqipëri. Kudo ku ka fëmijë. Është dita dhe festa e tyre!

Në këtë kuadër Drejtoresha e Përgjithshme e Shërbimit Social Shtetëror znj. Luneda Sufali, ishte e pranishme në aktivitetin e organizuar në Qendrën e Trajtimit të Viktimave të Dhunës në Familje. Ndërkohë që fëmijët e Qendrës së Zhvillimit Durrës realizuan një aktivitet kulturor ku e pranishme ishte Nën/drejtoresha e SHSSH, znj. Lida Leskaj.

Por aktivitete sensibilizuese dhe kulturore janë zhvilluar edhe në IPSH e tjera në varësi të SHSSH, si QKTE, Qendra e Trajtimit Viktimave të Trafikimit, Qendra e Zhvillimit Tiranë, Shtëpia e Fëmijës “Zyber Hallulli”. Kudo festë, hare fëminore.

Për Ne fëmijët janë të parët në çdo ditë të vitit. 1- Qershori është ditë feste me fëmijët, por edhe një tjetër ditë për t’u angazhuar më shumë në përmbushjen e misionit tonë, për ofrimin e shërbimeve cilësore dhe sigurimin e një familjeje për të gjithë. Deri sa çdo fëmije në IPSH-të tona t’u sigurohet një familje, Ne do vazhdojmë të kujdesemi për ta me përkushtim dhe dashuri si një familje.

#Një rast suksesti: Kujdesi për të moshuarit në nevojë, një obligim i vazhduar i ShSSH



Një ngjarje e dhimbshme për dy të moshuar të braktisur. Megjithatë Shërbimi Social Shtetëror si gjithmonë bëri vlerësim social, human e profesional të rastit dhe i vendosi qytetarët e moshuar në mbrojtje sociale duke i akomoduar në një qendër sociale.

Çifti i të moshuarve Lumturie dhe Fadil Mane nga qyteti i Korçës, të mbetur të pastrehë pas nxjerrjes padrejtësisht nga shtëpia prej fëmijëve të tyre, janë sistemuar në Qendrën Polivalente, Poliçan. Lumturia dhe Fadili kanë tashmë një shtëpi të ngrohtë për të jetuar, një staf që i dedikohet me dashuri sigurimit të një qëndrimi cilësor dhe dinjitoz në institucion.

#Rritim kapacitetet, përmirësojmë cilësinë e stafëve dhe përfshijmë edhe fëmijët



Në vijimësi të përmbushjes së misionit për zbatimin e politikave dhe legjislacionit në fushën e mbrojtjes sociale, SHSSH në muajin Qershor mbajti takim mbi rëndësinë e ngritjes së kapaciteteve të stafit të saj në të gjithë Shqipërinë. Drejtorja e Përgjithshme e Shërbimit Social Shtetëror, në bashkëpunim me Save the Children, po zhvillon trajnimin me temë “Paketa Burimore për Përfshirjen e Fëmijëve në Procesin e Monitorimit”, i cili synon ngritjen e kapaciteteve të stafit të SHSSH për të përfshirë fëmijët në inspektimin e shërbimeve që u ofrohen.

Punojmë çdo ditë nën moton “Shërbime efikase, të shpejta dhe të orientuara nga qytetarët”.

#Drejtorja e Kontrollit të pagesës NE & PAK

Veprime dinamike, të planifikuara dhe me synim zbatimin korrekt të legjislacionit për Ndhimën Ekonomike dhe Pagesat për Personat me Aftësi të Kufizuara. Në këtë kontekst, gjatë muajit qershor Shërbimi Social Shtetëror nëpërmjet 12 Drejtorive Rajonale dhe Drejtorisë së Kontrollit të Pagesës së NE& PAK ka planifikuar kontrolle në 57 njësi vendore dhe janë realizuar 100% në përputhje me planin vjetor të SHSSH 2018.

Gjatë këtij muaji në kontrollet e ushtruara janë kryer 897 verifikime social ekonomike në familjet përfituese të ndihmës ekonomike, nga të cilat për 148 familje i është lënë detyrë njësisë vendore modifikimi i aplikimit pasi janë konstatuar ndryshime nga aplikimi dhe për 59 familje verifikimet social ekonomike kanë rezultuar me deklaram të rremë të cilat Drejtoritë Rajonale të SHSSH i kanë refuzuar gjatë vendimarrjes së muajit qershor në bazë të legjislacionit.

#Drejtorja e Shërbimeve Sociale

Vazhdon ndjekja me përparësi e problematikave komplekse për zgjidhjen e problemeve sociale. Gjatë këtij muaji nga Drejtorja e Shërbimeve Sociale në ShSSH janë kryer 8 vleresime social-ekonomike për fëmijët e pashoqëruar. Janë rinovuar 32 librezat të statusit të jetimit dhe janë sistemuar 11 të moshuar dhe 3 transferime në insitucione të tjera, etj.

#Insitucionet e Përkujdesit Social Qendra Polivalente Ditore, Kamëz



Në rrugëtimin tonë në Muajin Qershor u njohëm dhe një herë me historinë e vendit tonë.

Duke rifreskuar dhe një herë në memorjen tonë historinë, vlerat dhe virtetet e popullit tonë, të moshuarit u përfshinë në diskutime të ndryshme duke nxjerr në pah patriotizmin.

#Shërbimi Social i bashkohet nismës “SHPËTONI 3 JETË NË 10 MINUTA”



Shërbimi Social Shtetëror i'u përgjigj thirrjes së #MSHMS për t'iu bashkuar fushatës së dhurimit të gjakut. ShSSH, të asistuar nga mjekët specialistë tanë, dhuruan gjak për t'u ardhur në ndihmë personave që kanë nevojë.

Në këtë përvojë u dha mesazhi “Shërbimi Social nuk u ndodhet pranë vetëm personave që kanë problem social-ekonomike, por dimensionin ynë për njerëzit në nevojë është dhe humanitar”

#Shërbimi Social Shtetëror reagon, zgjidhje për çdo qytetar në nevojë!

Pas publikimit në median elektronike të rastit të familjes Memoci nga fshati Budull i qytetit të Krujës, Shërbimi Social Shtetëror ka reaguuar duke kryer menjëherë vlerësimin socio-ekonomik të familjes, nga i cili është konstatuar se familja jeton në gjendje të vështirë ekonomike dhe banesa e tyre është e amortizuar. Duke u mbështetur në rezultatet e vlerësimit socio-ekonomik është orientuar kryefamiljari për plotësimin e dokumentacionit dhe aplikimin në skemën e ndihmës ekonomike. Shërbimi Social nodhet gjithmonë pranë çdo qytetari në nevojë!